

UNIVERZITET U SARAJEVU - FAKULTET POLITIČKIH NAUKA

PRIMLJENO:	01. 09	2023	
Original	Broj	Prilog	Vrijednost
02-11-1074-11		/23	

Na osnovu člana 104. Statuta Univerziteta u Sarajevu i prijedloga Odsjeka za sigurnosne i mirovne studije, a u vezi sa članom 106. (2) Zakona o visokom obrazovanju ("Službene novine Kantona Sarajevo broj 33/17, 35/20, 40/20 i 39/21) te po prethodnoj saglasnosti sekretara, Vijeća Univerziteta u Sarajevu - Fakulteta političkih nauka, na sjednici održanoj 13.07.2023. godine, donijelo je Odluka o imenovanju članova Komisija za izbor nastavnika u zvanje redovni profesor na naučnu oblast *Sigurnosne i mirovne studije* na Fakultetu političkih nauka u Sarajevu (br. 02-1-976-1/23), u sastavu:

1. **Dr. sc. Izet Beridan**, profesor emeritus, predsjednik Komisije, naučna oblast Sigurnosne i mirovne studije,
2. **Dr. sc. Darwin Lisica**, redovni profesor, član Komisije, naučna oblast Sigurnosne i mirovne studije,
3. **Dr. sc. Vlado Azinović**, redovni profesor, član Komisije, naučna oblast Sigurnosne i mirovne studije,

Nakon izvršenog uvida u podnesene prijave, Komisija podnosi Vijeću Fakulteta političkih nauka Univerziteta u Sarajevu sljedeći

IZVJEŠTAJ

sa prijedlogom za izbor akademskog osoblja u nastavno-naučno zvanje redovni profesor na naučnu oblast „Sigurnosne i mirovne studije“

Konkurs za izbor akademskog osoblja – nastavnika u zvanje redovni profesor na naučnu oblast *Sigurnosnih i mirovnih studija* objavljen je u dnevnom listu "Dnevni Avaz" dana 21. juna 2023. godine. Na konkurs se prijavio dr. sc. Selmo Cikotić sa blagovremeno popunjenom prijavom koja je protokolirana pod brojem 02-1-945-1/2023 od 06.07.2023. godine, o čemu je izdata potvrda sekretara Fakulteta političkih nauka Univerziteta u Sarajevu o pristiglim prijavama br. 03-1- 945-2 /23 od 06.07.2023. godine.

I OSNOVNI BIBLIOGRAFSKI PODACI KANDIDATA

Dr. sc. Selmo CIKOTIĆ rođen je 25. 01. 1964. godine u selu Trpezi, općina Ivangrad (Berane), Crna Gora, gdje je završio osnovnu školu. Srednjoškolsko obrazovanje u vojnoj gimnaziji "Bratstvo-jedinstvo" u Beogradu završio je 1982. godine.

Vojnu akademiju, smjer ARJ PVO završio je 1986. godine sa odličnim uspjehom. Školske 1990/1991 završio je specijalizaciju engleskog jezika u Centru za strane jezike JNA u Beogradu sa odličnim uspjehom.

Po završetku Vojne akademije, od 1986. godine, do početka maja 1992. godine nalazio se na dužnostima u ŠRO PVO, u Zadru (do septembra 1991.) i Rajlovcu do početka maja 1992.

Od početka maja 1992. godine nalazio se na različitim komandnim dužnostima u Armiji RBiH do polovine decembra 1994. godine. Od decembra 1994. do juna 1997. godine je bio *vojni izaslanik Republike Bosne i Hercegovine u Sjedinjenim Američkim Državama*. Tokom obavljanja ove dužnosti učestvovao je i u *dejtonskim pregovorima* kao član delegacije Republike Bosne i Hercegovine, gdje se bavio vojnim aspektima Opšteg okvirnog sporazuma za mir.

Po povratku u Bosnu i Hercegovinu obavljao je više različitih dužnosti u odbrambenom sistemu Federacije BiH, od čega je najznačajnija dužnost *komandanta 1. korpusa Vojske Federacije BiH*, na kojoj se nalazio od 2000. do 2004. godine.

Od 22. aprila 2007. god do 17. februara 2012. godine obavljao je *dužnost ministra odbrane u Vijeću ministara Bosne i Hercegovine*.

Od 20. februara 2012. godine do kraja januara 2013. godine, radio je na Američkom univerzitetu u Bosni i Hercegovini, kao dekan Fakulteta za državnu upravu, i kao profesor na istom fakultetu.

Od februara 2013. Do januara 2016. godine bio je angažovan kao direktor Fondacije BIGMEV (zadužene za razvoj odnosa između Bosne i Hercegovine i Republike Turske).

Od početka 2016. godine do kraja septembra 2018. godine bio je angažovan kao *savjetnik u Predsjedništvu Bosne i Hercegovine*, u kabinetu Bakira Izetbegovića, gdje je dao važan doprinos reafirmiranju procesa kretanja BiH prema NATO članstvu.

Od kraja oktobra 2018. do 23. jula 2020. godine angažovan je kao nastavnik na Fakultetu Političkih nauka Univerziteta u Sarajevu, u punom radnom odnosu.

Od 23. jula 2020. do 25. januara 2023. godine obavljao je dužnost *ministra sigurnosti u Vijeću ministara Bosne i Hercegovine*.

Nakon predaje dužnosti ministra, od 26.01.2023. godine ponovo je, u punom radnom odnosu, angažovan kao nastavnik na Fakultetu Političkih nauka Univerziteta u Sarajevu.

Kao spoljni saradnik, od maja 2009. god. učestvovao je u realizaciji nastave na postdiplomskom i doktorskom studiju Fakulteta političkih nauka u Sarajevu.

Pored toga, kao gostujući profesor, učestvovao je u radu Centra za sigurnosnu politiku iz Ženeve, Instituta za kulturnu diplomatiju iz Berlina, NATO Škole iz Oberamergaua, Marshall centra iz Garmish-Partenkirhena, Mornaričke postdiplomske škole iz Monterey-a, SAD, a također je učestvovao i u radu većeg broja obrazovnih i istraživačkih institucija regiona.

Od početka 2020. godine sertifikirani je predavač Agencije za državnu službu Bosne i Hercegovine za teme iz oblasti LIDERSTVA.

Zvanje magistra odbrane i sigurnosti je stekao 17. februara 2004. godine, na Fakultetu političkih nauka u Sarajevu, nakon odbrane magistarskog rada na temu: „MOGUĆNOST TRANSFERA KOMPATIBILNIH ELEMENATA AMERIČKOG SISTEMA SIGURNOSTI U SIGURNOSNI SISTEM BOSNE I HERCEGOVINE“.

Doktorirao je na Fakultetu političkih nauka u Sarajevu, 14. jula 2008. godine, odbranivši doktorsku disertaciju na temu: „SIGURNOSNE PERSPEKTIVE BOSNE I HERCEGOVINE“.

Dr. Cikotić je u zvanje docenta izabran na oblast Sigurnosnih i mirovnih studija za predmet "Politike i strategije nacionalne sigurnosti", odlukom Fakulteta br: 02-01-314-1/09. od 06.05.2009. godine. U zvanje vanrednog profesora na naučnoj oblasti Sigurnosnih i mirovnih studija na Fakultetu političkih nauka Univerziteta u Sarajevu, odlukom Univerziteta broj: 01-2740/15 od 29.04.2015. godine. Od tada je u kontinuitetu nastavnik na predmetima *Liderstvo u oblasti sigurnosti i odbrane* (prvi ciklus), *Političko vođstvo* (prvi ciklus, u periodu od 2017. do 2021. godine), *Historija ratova* (prvi ciklus,

od 2020. godine), *Lidersrvo i nacionalna sigurnost* (prvi ciklus, od 2021. godine), *Sigurnosne i odbrambene politike i strategije* (drugi ciklus) i *Liderstvo* (treći ciklus).

Od izbora u zvanje vanrednog profesora u aprilu 2015. godine, uspješno je obavio dvadeset četiri mentorstva na drugom i jedno mentorstvo na trećem ciklusu.

Do početka juna 2015. godine dr. Cikotić je na Fakultetu bio angažovan kao nastavnik u svojstvu spoljnog saradnika. Sa 01.06.2015. godine dr. Cikotić je primljen u radni odnos na određeno vrijeme sa 25% od punog radnog vremena, za naučnu oblast "Sigurnosnih i mirovnih studija", odlukom Fakulteta broj: 01-3-388-1/15, od 19.05.2015. godine. Od 01.04.2018. godine dr. Cikotić je povećan angažman na Fakultetu na 50% od punog radnog vremena, ugovorom broj: 01-3-8-3/18, od 06.04.2018. godine, a *radni odnos s punim radnim vremenom* je zasnovao ugovorom broj: 01-3-8-15/18, od 31.10.2018. godine.

U periodu od 23.07.2020. godine do 25.01.2023. godine, dr. Cikotić je, zbog angažmana na dužnosti *ministra sigurnosti u Vijeću ministara Bosne i Hercegovine*, prekinuo puni radni odnos na fakultetu, nastavljajući angažman kao nastavnik po ugovoru o djelu. Nakon okončanja dužnosti ministra sigurnosti Bosne i Hercegovine, novim ugovorom o radu broj: 01-3-6-3/23 od 26.01.2023. godine, dr. Cikotić je obnovio svoj angažman na Fakultetu sa punim radnim vremenom.

Nakon izbora u zvanje vanrednog profesora u aprilu 2015. godine, dr. Cikotić je bio angažovan u više akademskih i društvenih oblasti. Učešćem u radu više međunarodnih akademskih i sigurnosnih institucija (Ženevski centar za sigurnosnu politiku, NATO škola u Oberamergauu, Američki univerzitet u Bosni i Hercegovini, Sarajevska škola nauke i tehnologije – SSST, Marshall centar iz Garmishpartenkirchena), saradujući sa više univerziteta na izradi određenih studija ili naučnih skupova, dr. Cikotić je davao doprinos prezentiranju stajališta Fakulteta političkih nauka Univerziteta u Sarajevu, te prenošenju znanja iz svih ovih institucija na studente različitih ciklusa Fakulteta političkih nauka u Sarajevu.

Dr. Cikotić je poseban doprinos praktičnoj primjeni različitih akademskih spoznaja iz oblasti sigurnosti ostvario tokom obavljanja dužnosti *ministra sigurnosti u Vijeću ministara Bosne i Hercegovine*, od 23.07.2020. godine do 25.01.2023. godine. Tokom

ovog perioda, najznačajniji doprinos, dr. Cikotić je dao rješavanju tada gorućeg problema migrantske krize u Bosni i Hercegovini – postizanjem vidljivog napretka u institucionalnom angažovanju samog Ministarstva sigurnosti BiH, svih sigurnosnih i obavještajnih struktura na nivou države, sigurnosnih i policijskih struktura u Bosni i Hercegovini, te unaprjeđenjem sigurnosne saradnje Bosne i Hercegovine sa međunarodnim organizacijama, u i izvan BiH, kao i sa državama u Regionu i Evropi.

Prema mišljenjima najangažovanijih međunarodnih aktera koji su se bavili migrantskom krizom, dr. Cikotić je dao veoma prepoznatljiv doprinos rješavanju mnoštva praktičnih pitanja iz ove oblasti. Kao rezultat ovog angažmana *migrantska kriza* je transformisana u *migrantsku situaciju, sigurnosne i humanitarne strukture BiH* su od međunarodnih organizacija *preuzele vlasništvo nad upravljanjem migrantskom situacijom*. U saradnji sa većim brojem međunarodnih u domaćih organizacija i institucija *izgrađen je Privremeni prihvatni centar LIPA*, na udaljenosti od 20-ak km od Bihaća: Time su stvorene pretpostavke za *zatvaranje ranije postojećih prihvatnih centara u naseljenim mjestima* (u Bihaću, V. Kladuši i Cazinu). Svojim angažmanom unutar Ministarstva sigurnosti BiH, dr. Cikotić je ustanovio prvo stručno i akademsko okupljanje u Regionu, u okviru *”Sarajevo Migration Dialogue”*, koji su održani 2021. i 2022. godine.

Praćenjem opšte sigurnosne situacije i procesa u državi i Regionu, dr. Cikotić je u januaru 2022. godine zamjeniku generalnog sekretara NATO-a uputio dopis kojim ga je upozorio na moguću opasnost ruskog uticaja na svoje neposredno susjedstvo i na Zapadni Balkan. Na temelju ovog dopisa, NATO je na svom samitu u Madridu, u junu 2022. godine, odlučio ustanoviti *Defence Capacity Building* – odnosno, Koncept izgradnje odbrambenih kapaciteta, kojim je započet proces jačanja samostalnih kapaciteta odbrambenih i sigurnosnih struktura Bosne i Hercegovine.

Naglašenim angažmanom i saradnjom sa komesarom EU za upravljanje krizama, Janezom Lenarčičem, dr. Cikotić je uspio *osigurati ispunjavanje više zahtjevnih preduslova* i nakon toga *potpisati Sporazum o pristupanju Bosne i Hercegovine Mehanizmu civilne zaštite EU*, 06.09.2022. godine.

Pored niza drugih pitanja i aktivnosti u kojima je dr. Cikotić koristio svoja odbrambena i sigurnosna akademska znanja i praktična iskustva, od velikog značaja je i rješavanje problema funkcionisanja *Kontakt tačke između BiH i EUROPL-a*, stvaranjem

pretpostavki za njeno funcionisanje, u skladu sa ranije potpisanim Sporazum između BiH i EU.

Dr. Cikotić je, nakon izbora u zvanje vanrednog profesora, kako u ulozi predavača na FPN, tako i u ulozi ministra sigurnosti BiH, učestvovao u velikom broju naučnih i ministarskih konferencija, kongresa, simpozija i naučnih ili stručnih okupljanja drugog karaktera, u okviru države, Regiona, EU, UN, na teritoriji Evrope, Azije i Amerike.

Objavio je knjige *SAD – BiH Mogući transfer sigurnosnih rješenja* i *Sigurnosne pretpostavke Bosne i Hercegovine*, kao i njenu englesku verziju *Security Perspectives of Bosnia and Herzegovina*, te dao doprinos izradi većeg broja drugih knjiga.

Nakon izbora u zvanje vanrednog profesora, kao autor ili koautor, objavio je 6 knjiga i učestvovao u izradi dvije monografije, te više recenzija, članaka i publikacija u stručnim časopisima, čiji se prikaz nalazi uz prijavu na konkurs kao prilog br. 2.

Kandidat dr.sc. Selmo Cikotić se aktivno služi engleskim jezikom.

II POPIS OBJAVLJENIH RADOVA IZ NAUČNE OBLASTI SIGURNOSNIH I MIROVNIH STUDIJA OD IZBORA U AKADEMSKO ZVANJE VANREDNOG PROFESORA

a) KNJIGE:

1. MISLILAC I DRŽAVNIK ALIJA IZETBEGOVIĆ (u koautorstvu sa Fikretom Muslimovićem), Muzej "Alija Izetbegović", Sarajevo, 2016. godine,
2. LIDERSTVO TEORIJA I PRAKSA, Fakultet političkih nauka Univerziteta Sarajevo, TKD Šahinpašić, Sarajevo, 2017. godina,
3. DUSUNUR VE DEVLET ADAMI ALIYA IZETBEGOVIC (u koautorstvu sa Fikretom Muslimovićem), Hece Yayinlari, Ankara, 2017. godina,
4. NATO I SIGURNOST EVROPE (u koautorstvu sa Fikretom Muslimovićem), Asocijacija "Krug 99", Sarajevo, 2018. godina,

5. NACIONALNA SIGURNOST I PRIVATNA ZAŠTITA (u koautorstvu sa Mirzom Smajićem, Harisom Delićem i Nihadom Subašićem), Fakultet političkih nauka Univerziteta Sarajevo, Sarajevo, 2018. godina,
6. ZLOČINI U ORUŽANOJ AGRESIJI NA REPUBLIKU BOSNU I HERCEGOVINU 1992.-1995. GODINE (u koautorstvu sa Fikretom Muslimovićem), Udruženje za zaštitu tekovina borbe za Bosnu i Hercegovinu, Sarajevo, 2021. godina,

Dao je značajan doprinos izradi dvije monografije:

1. PRVI KORPUS ARMIJE REPUBLIKE BOSNE I HERCEGOVINE, (u koautorstvu sa Smailom Čekićem, Vahidom Karavelićem, Nedžadom Ajnadžićem, Šefkom Hodžićem, Muhamedom Smajićem i Mesudom Šadinlijom), Institut za istraživanje zločina protiv čovječnosti i međunarodnog prava, Univerziteta Sarajevo, Sarajevo, 2017. godina,
2. SEDMI KORPUS ARMIJE REPUBLIKE BOSNE I HERCEGOVINE: STVARANJE, JAČANJE, POBJEDE, (u koautorstvu sa Kenanom Dautovićem, Remzijom Šiljkom, Fikretom Ćuskićem, Mesudom Hadžialićem, Edinom Ramićem, Amirom Klikom, Hasibom Mušinbegovićem, Senadom Dautovićem i drugim), Udruženje za zaštitu tekovina borbe za Bosnu i Hercegovinu, Sarajevo, 2020. godina,

b) **RECENZIJE:**

1. MONOGRAFIJA 306/706. BRIGADE ARMIJE REPUBLIKE BOSNE I HERCEGOVINE, Grupa autora, Udruženje za zaštitu tekovina borbe za Bosnu i Hercegovinu, Travnik, 2015. godina,
2. BEZBJEDNOSNE INTEGRACIJE ZAPADNOG BALKANA, Boro Vučinić, Biblioteka Posebna izdanja/CID, Podgorica, 2017.godina,
3. BREZA – 94: BUŽIMSKA BOSANSKA BITKA, Sead Jusić, Udruženje 505. Viteška bužimska, BZK Preporod, Sarajevo, 2019.godina,

4. DOSIJE KARLOVAC, SUĐENJE FIKRETU ABDIĆU, priređivači Adil Medić i Melika Malešević, Udruženje logoraša Velika kladuša, Bihać, 2019. godina,
5. ALIJA IZETBEGOVIĆ U VANJSKOJ POLITICI BOSNE I HERCEGOVINE 1990-2003., Fikret Muslimović, Udruženje za zaštitu tekovina borbe za Bosnu i Hercegovinu, Sarajevo, 2023. godina.

c) **ČLANCI U STRUČNIM ČASOPISIMA:**

1. **Bosnien und Herzegowina 2016**, Sicher und Morgen, Wien, 2016. godine,
2. **Sufijski potencijal promjene**, Zbornik radova s naučnog skupa "Savremeni izazovi u svjetlu sufijskog nauka", Centar za istraživanje i unaprjeđenje duhovne i kulturne baštine u Bosni i Hercegovini, Stolac, 2018.godina,
3. **Capacity Building in the Western Balkans States: Security Sector and Defence Institutions Stable Western Balkans is made of its safe and stable individual member states**, Compendium in honour of the 70-th anniversary of Prof. Emil Konstantinov PhD, Bulgarian Academy of Sciences, Institute for the States and the Law, Sofia, 2018. godina,
4. **Put prema NATO-u je opasan i skup**, Zbornik radova Centra za lobiranje sa naučno-stručne konferencije "Vojna neutralnost ili NATO, prednosti i nedostaci", Banja Luka, 2019. godina,
5. **Država ili vjetrometina / Shvatanje države u djelima i radu Alije Izetbegovića**, Konferencija Alija Izetbegović i njegovo shvatanje prava i države, Časopis za društvena pitanja PREGLED, Sarajevo, 2019. godina,
6. **Sufizam – višestoljetni čuvar svijesti i identiteta muslimana Bosne**, Zbornik radova s naučnog skupa "Tesavvufska misao i tarikatska praksa u BiH u 19. i 20. stoljeću", Centar za istraživanje i unaprjeđenje duhovne i kulturne baštine u Bosni i Hercegovini, Stolac, 2019. godina,
7. **Dogovor ili sukob**, Zbornik radova Centra za lobiranje sa naučno-stručne konferencije "Akcioni plan za članstvo", Banja Luka, 2020. godina,
8. **Etika u misli i djelu Alije Izetbegovića, temeljna vrijednost poimanja države i čovjeka**, ETIKA Bosne i Hercegovine, naučni časopis za društvena pitanja, Goražde, 2020. godina,

9. **Značaj vojnih aspekata Dejtonskog mirovnog sporazuma za postizanje mira u Bosni i Hercegovini**, Zbornik radova Centra za lobiranje sa naučno-stručne konferencije sa međunarodnim učešćem "25 godina od potpisivanja Dejtonskog mirovnog sporazuma", Banja Luka, 2021. godina,
10. **Leadership in Complex Situations**, Zbornik radova s naučnog skupa "Chaos, Complexity and Leadership 2020", Application of Nonlinear Dynamics from Interdisciplinary Perspective, Springer, Ankara, 2021. godina,
11. **Uloga Alije Izetbegovića u pregovaračkom procesu za postizanje mirovnog sporazuma prema sjećanjima i ocjenama učesnika pregovora u Daytonu**, Zbornik radova "ZAVNOBIH I POLITIKA ODBRANE BOSNE I HERCEGOVINE U ODNOSU NA REZULTATE DEJTONSKOG SPORAZUMA", Fondacija "Alija Izetbegović", Sarajevo, 2021. godina,
12. **Kooperacija – ne konfrontacija**, Zbornik radova sa Međunarodne naučne konferencije "DRUŠTVO I DRŽAVA NAKON NEZAVISNOSTI", Fakultet političkih nauka Univerziteta Sarajevo, 2023. godina,
13. **Historijski, moralni, politički i vojni značaj oslobađanja Vlačića**, Kantonalna Uprava za branioce SBK, Travnik, 2023. godina.

III UČEŠĆE NA MEĐUNARODNIM I DOMAĆIM KONFERENCIJAMA, SKUPOVIMA I PROJEKTIMA OD IZBORA U AKADEMSKO ZVANJE VANREDNOG PROFESORA

Nakon izbora u akademsko zvanje vanrednog profesora, dr. Cikotić je učestvovao na većem broju međunarodnih naučnih i stručnih skupova, od kojih su posebno bitni sljedeći:

Belgrade Security Forum 2016. Beograd, Srbija, 14.10.2016. – učešće na panelu "What Choices for Countries in Between in an Increasingly Divided Europe",

Belgrade Security Forum 2017. Beograd, Srbija, 13.10.2017. – moderator panela *"Voces of the Millennials: The Agents of Change (In Partnership with the Regional Youth Leadership Forum)*),

Konferencija Alija Izetbegović i njegovo shvatanje prava i države, Univerzitet u Sarajevu u sardnji sa Univerzitetom Yildirim Bayazit, Sarajevo, 19.10.2018. – izlaganje na temu: *"Država ili vjetrometina / Shvatanje države u djelima i radu Alije Izetbegovića"*,

Online konferencija "Chaos, Complexity and Leadership" (Springer), maj 2020. – izlaganje na temu: *"Leadership in Complex Situations"*,

The 14th UN Congress on Crime Prevention, and Criminal Justice, Kyoto, Japan, 7. do 12.03.2021. – izlaganje na temu: *"Relationship Between Crime Prevention and Rule of Law in facilitating and Achieving Sustainable Developments Goals"*, te izlaganje na temu: *"National and Global Security Challenges, Security Codependancy, Rules of Law and Human Rights Promotion"*,

"Sarajevo Migration Dialogue, I" Sarajevo, Bosna i Hercegovina, 17. do 19. 09.2021. – uvodno izlaganje, učešće u prvom panelu Foruma, završno obraćanje na Forumu,

2BS TO BE SECURE Forum, Budva, Crna Gora, 26.10. 2021. – učešće u panelu *"The Western Balkans Region Can Count on NATO's Support in its Euro-Atlantic Aspirations"*,

"Sarajevo Migration Dialogue II", Sarajevo, Bosna i Hercegovina, 19. do 21. 09.2021. – uvodno izlaganje, učešće u prvom panelu Foruma, završno obraćanje na Forumu,

UN Conference Disaster Risk Reduction, Bali, Indonezija, 25. do 27.05.2022. – izlaganje na temu: *"Prevention and Organised Work are the Best Risk Reduction"*,

UNCOPS, United Nations Chief of Police Summit 2022, - 31.08. do 01.09. 2022. New York, The USA,

2022 UN Global Congress of Victims of Terrorism, 08. do 10. 09.2022. New York, The USA, - izlaganje na temu: *"Care about and Support to terrorism Victims"*,

"Human Rights at the Hearth od Drug and Addiction Policies", (Council of Europe and Pompidu Group), Lisabon, Portugalija, 13. i 14.12.2022. – izlaganje na temu: *"Academic, Social and Security Response to Addiction Challenges"*.

"Društvo i država nakon nezavisnosti", Fakultet političkih nauka Univerziteta Sarajevo, Sarajevo, 28.02.2023. – izlaganje na temu: *"Kooperacija ne konfrontacija"*.

Od 23. Julia 2020. do 25. januara 2023. godine kroz obavljanje dužnosti ministra sigurnosti Bosne i Hercegovine, realizovano je više uspješnih projekata: pozitivan odgovor na migrantsku krizu, ulazak BiH u Mehanizam civilne zaštite EU, implementacija Sporazuma o Kontakt tački BiH i EUROPOL-a, saradnja s NATO-om koja je rezultirala Defence Capacity Buildingom za BiH...

IV PEDAGOŠKI RAD KANDIDATA

Dr. sc. Selmo Cikotić iza sebe ima bogato iskustvo rada sa studentima kao docent i kao vanredni profesor. U studentskim evaluacijama redovno je ocijenjen visokim ocjenama.

Bio je mentor većeg broja završnih radova drugog i trećeg ciklusa studija (među posljednim izdvajamo radove: kandidat Edis Pazelja, SIGURNOSNI SISTEM SR NJEMAČKE I BOSNE I HERCEGOVINE – KOMPARATIVNA ANALIZA, 12.01.2023.god.; Doktor Kresto Perović, SIGURNOSNE PARADIGME EVROATLANTSKIH IINTEGRACIJA CRNE GORE, 2021.godine.

Pored angažmana na Fakultetu političkih nauka, posvećen je obrazovanju stručnih kadrova državnih institucija, kao predavač Agencije za državnu službu BiH, te kao predavač ili saradnik na drugim naučnim i obrazovnim institucijama, kao i u osposobljavanju kadrova u rješavanju mnoštva praktičnih pitanja unutar različitih institucija Bosne i Hercegovine (Predsjedništvo BiH, kao savjetnik, Ministarstvo sigurnosti BiH, kao ministar).

V PRIJEDLOG KOMISIJE

Na konkurs se prijavio jedan kandidat, dr. sc. Selmo Cikotić. Komisija je pažljivo proučila prijavu kandidata i jednoglasno smatra da dr.sc. Selmo Cikotić ispunjava sve uslove konkursa. Kandidat je u punom radnom odnosu na Fakultetu političkih nauka

Univerziteta u Sarajevu. Opus njegovih objavljenih radova pripada oblasti sigurnosnih i mirovnih studija.

U svom naučnom i pedagoškom radu uspješno realizira svoj angažman na Fakultetu političkih nauka, drugim obrazovnim i državnim institucijama, tako da je u prilici da povezuje teoriju i praksu sigurnosnih i mirovnih studija. Sarađujući, kao ministar sigurnosti BiH, sa mnogim zvaničnicima Regiona, Evrope i Svijeta, nadležnih za sigurnosna pitanja, bio je u prilici integritati teorijske i praktične vrijednosti mnogih struktura i država u institucije BiH (Ministarstvo sigurnosti i Agencija za državnu službu) a nakon toga ih integritati u pedagoške i naučne vrijednosti svog doprinosa na Fakultetu političkih nauka.

Imajući u vidu da je Konkurs raspisan za izbor u zvanje na naučnu oblast Sigurnosne i mirovne studije, uvažavajući ocjene sadržane u ovom izvještaju, te da je kandidat dugogodišnji nastavnik na Odsjeku sigurnosnih i mirovnih studija, Komisija predlaže shodno važećim propisima o izboru u zvanje redovni profesor (član 176. Zakona o visokom obrazovanju ("Službene novine Kantona Sarajevo" broj: 36/22; član 96. Zakona o visokom obrazovanju ("Službene novine Kantona Sarajevo" broj 33/17,35/20,40/20,39/21) i član 194. Statuta Univerziteta u Sarajevu Vijeću Fakulteta političkih nauka da izabere dr. sc. Selmu Cikotića, vanrednog profesora, u zvanje redovnog profesora i uputi njegov izbor na potvrđivanje Senatu Univerziteta u Sarajevu.

U Sarajevu, 14.08.2023. godine.

K O M I S I J A ZA IZBOR U NASTAVNO-NAUČNO ZVANJE:

Dr. sc. Izet Beridan, profesor emeritus, predsjednik Komisije,

Dr. sc. Daryin Lisica, redovni profesor, član Komisije,

Dr. sc. Vlado Azinović, redovni profesor, član Komisije